



COMUNU DE CERÀXIUS
Tzitadi Metropolitana de Casteddu

N. 187
De su 21/10/2020

Deliberatzioni de Giunta Comunali

Ogetu: Inditaduras po s'afillamentu de sa gestioni de su cumplessu de su Parcu de San Lussorio.

Copia

S'annu **2020** in sa dii **21** de su mesi de **Ladàmini**, tzerriada cunforma a is maneras de lei, in sa Domu Comunali, s'est acorrada sa Giunta Comunali, a is oras 13.30.

A s'apellu torrant sceda:

Sangunau e nòmini	Cualifica	Presenti
CONCU PIER LUIGI	Sìndigu	EJA
MAMELI GABRIELLA	Vice Sìndigu - Assessori	EJA
GESSA LUIGI	Assessori	NO
PERRA MARIA FULVIA	Assessori	NO
RELLI ROBERTA	Assessori	NO
PORQUEDDU SANDRO	Assessori	EJA
CIONI RICCARDO	Assessori	EJA
Totali Presentis: 4		Totali Assentis: 3

Càstiat totu su Segretàriu Generali Dot.ssa SESTA CARLA

Su Sìndigu, Dot. Ing. CONCU PIER LUIGI, cumentu Presidenti, decrarat oberta sa setziada, a pustis de àiri averiguau sa lòmpida de su nùmeru legali de is assessoris arribaus e ponit a arrexonu s'ogetu prevìdiu in s'òrdini de sa dii.

SA GIUNTA COMUNALI

BIA sa propònnida de Delibera de Giunta Comunali nùmeru 226 de su 15/10/2020 firmada de su Sìndigu, chi tenit cumenti ogetu “Inditaduras po s’affillamentu de sa gestioni de su complessu de su Parcu de San Lussorio”, apariciada de su Servìtziu cumpetenti;

PREMÌTIU CHI:

- Su complessu de San Lussorio est furmau de una pariga de obras destinadas a prenni is apretus de sa tzitadinàntzia. In manera particolari, intre is edifitzius presentis, si podint arregordai sa crèsia romànica de su de XII sègulu dedicada a Santu Lixori, unu logu de atòbiu, unu parcu urbanu de giai tres centaras, unu edifitziu pensau a su cumintzu po èssiri unu logu de riabilitatzioni integrau e un’àrea de aparcadroxu;
- Custas struturas a su stadu de imoi funt gèrrias de manera scongiuntada, o puru, funt chene impreai. Custa manera, arrescit unu impreu sinèrgicu insoru chi est arrechediu po amellorai is servìtzius a is tzitadinus e impiticaì is gastus de gestioni;

CUNSIDERAU CHI:

- Sa gestioni integrada, presuponit s’esistèntzia de unu progetu intreu chi potzat cuncordai totus is funtzionis e relatas intre is impiantus diferentis;
- S’aministratzioni comunali no tenit is risorsas umanas po una gestioni integrada e chi custa iat a podi èssiri cumpria mellus atruessu de s’interbènnida de is impresàrius privaus chi, imperendi is cumpetèntzias insoru, potzant amellorai is gastus de gestioni e agatai is poderius econòmicus de impreu de is impiantus;
- Si fait arrechedi a si pigai totus is trastus chi serbint po agatai sa manera prus profetosa de gestioni;

PENSAU de depi fai calicuna cosa apitzus de custa allega;

ABETAU s’arresultau de s’atòbiu de cumintzu po sa gestioni de su procedimentu chi ant fatu su 22 de cabudanni 2020, a innantis de is componentis de sa Giunta Comunali, de su diretori de s’Àrea 5, chi tenit affillada sa gestioni de su procedimentu e at promòviu s’atòbiu e de is Diretoris de is Àreas 1,2 e 6, is calis Àreas de responsabilitadi funt imbordigadas in su procedimentu chistionau;

CASTIAUS is agiudus connoscidoris donaus de is presentis, e cunsideraus custus arrechedius po su adelantamentu de su procedimentu mancaì si no funt definitivus e podint tenni integratzionis e aciuntas castiendi a sa definitzioni sighidora de is trèminis funtzionalis e econòmicus de cussu e totu, si fait arrechedi chi sa Giunta Comunali, imperendi is tareas cosa sua de guvernu de su territòriu amostit unu indiritzu apitzus de is requisitus abetaus de s’affillamentu de sa gestioni de is benis numenaus;

PENSAU intzaras de amostai custas inditaduras:

- A su diretori Àrea 05 de apariciai unu scrucullu de is atividades chi si funt fendi imoi ingunis, po permiti de arreconnosci cussas atividades chi ant a depi èssiri amparadas puru in su pensamentu de una gestioni po parti de unu sugetu calificau;

- A is Diretoris de is atras Àreas, de traballai in paris cun su diretori Àrea 05 in sa cumpridura de s'idiritzu innoi asuba, po cussu chi pertocat a is atividades de is competènzias cosa sua donendi totus is informatzionis arrechèdias po cussa tarea.

BIU su decretu legisladori 18 de austu 2000, n. 267;

BIU su decretu legisladori 16 de abrili 2016, n. 50;

BIU su decretu de su Presidenti de sa Repùblica 5 de mes'e ladàmini 2010, n. 207, po is partis ancora bàlidas;

BIA sa lei regionali 13 de martzu 2018, n. 8;

A SA UNANIMIDADI

DELÌBERAT

DE SPARTZIRI custas inditaduras po s'affillamentu de sa gestioni de su complessu de su Parcu de San Lussorio:

- A su Diretori Àrea 05 de apariciai unu scrucullu de is atividades chi si faint imoi, aici de podi permìtiri de cumprendi cali funt is atividades chi ant a depi èssiri pompiadas puru in s'ipòtesi de una gestioni po parti de unu sugetu calificau;
- A is diretoris de is atras Àreas, de traballai in paris cun su diretori Àrea 05 in sa cumpridura de s'idiritzu innoi asuba, po cussu chi pertocat a is atividades de is competènzias cosa sua donendi totus is informatzionis arrechèdias po cussa tarea.

DE ENTREGAI a is Diretoris de is Àreas sa cumpridura de custu indiritzu chistionau innoi;

DE DECRARAI custa deliberatzioni esecutiva deretu cunforma a s'art. 134, comma 4 de su D. Lgs. n. 267/2000.